



儀禮

一之四

□ 12  
2912  
1



口 12  
2912  
卷 1

儀禮序

平定縣

水去五味均平歲

平定縣

竊聞道本冲虛非言無以表其疏言有微  
妙非釋無能悟其理是知聖人言曲事資  
注釋而成至於周禮儀禮發源是一理有  
終始分為二部並是周公攝政太平之書  
周禮為末儀禮為本本則難明末便易曉  
是以周禮注者則有多門儀禮所注後鄭  
而已其為章疏則有二家信都黃慶者齊

儀禮

30

之盛德李孟愬者隋曰碩儒慶則舉大略  
小經注疎漏猶登山遠望而近不知愬則  
舉小略大經注稍周似入室近觀而遠不  
察二家之疏互有倏短時之所尚李則為  
先案士冠三加有緇布冠皮弁爵弁既冠  
又著玄冠見於君有此四種之冠故記人  
下陳緇布冠委貌周弁以釋經之四種經  
之與記都無天子冠法而李云委貌與弁

一ノ二

皆天子始冠之冠李之謬也喪服一篇凶  
禮之要是以南北二家章疏甚多時之所  
以皆資黃氏案鄭注喪服引禮記檀弓云  
經之言實也明孝子有忠實之心故為制  
此服焉則經之所作表心明矣而黃氏妄  
云衰以表心經以表首以黃氏公遠鄭注  
黃之謬也黃李之訓略言其一餘足見矣  
今以先儒失路後宜易塗故悉鄙情聊裁

長書

此疏未敢專欲以諸家為本擇善而從兼  
 增已義仍取四門助教李玄植詳論可否  
 僉謀已定庶可施矣函丈之儒青衿之俊  
 幸以去瑕取玦得無譏焉

此疏未敢專欲以諸家為本擇善而從兼  
 增已義仍取四門助教李玄植詳論可否  
 僉謀已定庶可施矣函丈之儒青衿之俊  
 幸以去瑕取玦得無譏焉

予見儀禮周禮二書苦其  
 難讀且憾無倭字之訓解  
 古或有之而為失火所焚  
 邪抑遭亂賊而委于塵土  
 邪嘗竊聽羅山先生之  
 点焉意必秘而不出越不  
 揆搆昧点之而思授諸童

蒙者故悉鄙情從事于執  
案間手写白文經三霜而  
漸終其功自漢唐宋元以  
來注之者有多門予惟從  
鄭康成之解則聊存古之  
義也既而顧結蟻轉丸之  
譏謁于先生需是正之先

生使予讀其始終被質十  
其一二遂跋其卷尾嗟乎  
先生之於學者泰山之蟻  
垤江淮之細流也片言之  
褒猶踰華衮何況此跋乎  
崇之而截于筐笥今茲書  
林松氏請鏤于梓膚淺孤



陋非無謬誤讀者自擇執  
之幸也

寬永十三年夏六月

愚齋周哲序

儀禮卷第一

士冠禮第一

題注

鄭目録云童子任職居士位年

二十而冠主人玄冠朝服則是在於

諸侯天子之士朝服皮弁素積古者

士冠禮○筮于廟門主人玄冠朝服緇帶

素鞵即位于門東西面有司如主人服即

位于西方東面北上筮與席所卦者具饌

于西塾布席于門中闈西闈外西面筮人

執筮抽上韞兼執之進受命於主人宰自  
若少退贊命筮人許諾右還即席坐西南  
卦者在左卒筮書卦執以示主人主人受  
眠及之筮人還東面旅台卒進告吉若不  
吉則筮遠日如初儀徹筮席宗人告事畢  
主人戒賓賓禮辭許主人再拜賓答拜主  
人退賓拜送前期三日筮賓如求日之儀  
乃宿賓賓如主人服出門左西面再拜主

一ノ四

人東面答拜乃宿賓賓許主人再拜賓答  
拜主人退賓拜送宿贊冠者一人亦如之  
厥明夕為期于廟門之外主人立于門東  
兄弟在其南少退西面北上有司皆如宿  
服立于西方東面北上擯者請期宰告曰  
質明行事告兄弟及有司告事畢擯者告  
期于賓之家夙興設洗直于東榮南北以  
堂深永在洗東陳服于房中西墉下東領

儀禮

四





上主人之贊者筵于東序クキカラ北西南カキカラ將冠者出房南面フクカワミカキミクシラ贊者奠纒笄櫛于筵南端ハコ賓揖將冠者ハセトツ將冠者ハセトツ即筵坐ツイテニ贊者坐櫛設纒イテニクカミラ賓降主人降賓辭主人對賓フー盥卒壹揖壹テアラヒキツテヒコヒ讓升主人升復初位テカセル賓筵前坐正纒興降サテニカツミラクンテ西階一等執冠者升テ一等東面授賓カキツク賓右手執項リシキレラ左手執前進ミカキツク容乃祝坐シテ如初ル乃冠ル興復位クニテ贊者卒冠キク者與賓揖之クニテ適房服クニテ卒

端爵テ鞞出房南面テ賓揖之シテ即筵坐ツイテニ櫛設笄クニテ賓盥正纒テアラヒキツテ如初降クニテ二等受皮弁カキツク右執項リシキレラ左執前進リシク祝加之シテ如初復位クニテ贊者卒紘興賓クニテ揖之適房服クニテ素積素鞞キヒタヒキマキヒタヒキマキ容出房南面カキツク賓降三等受爵弁ケテ加之服キヒタヒキマキ纒裳アカキモ鞞アカキモ鞞アカキモ其他如加皮弁之儀アカキモ徹皮弁冠櫛アカキモ筵入于房アカキモ筵于戶西南面アカキモ贊者洗于房中アカキモ側酌醴アカキモ加アカキモ柶覆之アカキモ面葉賓揖冠者アカキモ就筵アカキモ筵西南面アカキモ賓受アカキモ醴于

戶東加柶面枋筵前北面冠者筵西拜受  
 觶賓東面答拜薦脯醢冠者即筵坐左執  
 觶右祭脯醢以柶祭醴三興筵末坐啐醴  
 提柶與降筵坐奠觶拜執觶與賓答拜冠  
 者奠觶于薦東降筵北面坐取脯降自西  
 階適東壁北面見于毋毋拜受子拜送毋  
 又拜賓降直西序東面主人降復初位冠  
 者立于西階東南面賓字之冠者對賓出

一七

主人送于廟門外請醴賓賓禮辭許賓就  
 次冠者見於兄弟兄弟再拜冠者答拜見  
 贊者西面拜亦如之入見姑姊如見毋乃  
 易服服玄冠玄端爵韠奠摯見於君遂以  
 摯見鄉大夫鄉先生乃禮賓以壹獻之禮  
 主人酌賓束帛儼皮贊者皆與贊冠者為  
 介賓出主人送于外門外再拜歸賓俎若  
 不醴則醮用酒尊于房內之門兩瓶有禁

玄酒在西加与南坊洗有篚在西南順始  
加醮用脯醢賓降取爵于篚辨降如初卒  
洗升酌冠者拜受賓答拜如初冠者升筵  
坐左執爵右祭脯醢祭酒興筵末坐啐酒  
降筵拜賓答拜冠者奠爵于薦東立于筵  
西徹薦爵筵尊不徹加皮弁如初儀再醮  
攝酒其他皆如初加爵弁如初儀三醮有  
乾肉折俎齊之其他如初北面取脯見于

一八

若殺則特豚載合升離肺實于鼎設  
無始醮如初再醮兩豆葵菹羸醢兩籩栗  
脯三醮攝酒如再醮加俎齊之皆如初齊  
肺卒醮取籩脯以降如初若孤子則父兄  
戒宿冠之日主人紉而迎賓拜揖讓立于  
序端皆如冠主禮於阼九拜北面于阼階  
上賓亦北面于西階上答拜若殺則舉鼎  
陳門外直東塾北面若庶子則冠于房外

義禮

南面遂醮焉冠者母不在則使人受脯于  
西階下戒賓曰某有子某將加布於其首  
願吾子之教之也賓對曰某不敏恐不能  
共事以病吾子敢辭主人曰某猶願吾子  
之終教之也賓對曰吾子重有命某敢不  
從宿曰某將加布於某之首吾子將莅之  
敢宿賓對曰某敢不夙興始加祝曰令月  
吉日始加元服棄爾幼志順爾成德壽考

一九

惟祺介爾景福再加曰吉月令辰乃申爾  
服敬爾威儀淑慎爾德眉壽萬年永受胡  
福三加曰以歲之正以月之令咸加爾服  
兄弟具在以成厥德黃者無疆受天之慶  
醴辭曰甘醴惟厚嘉薦令芳拜受祭之以  
定爾祥承天之休壽考不忘醮辭曰旨酒  
既清嘉薦宣時始加元服兄弟具來孝友  
時格未乃保之再醮曰旨酒既滑嘉薦伊

儀禮

九

脯乃申爾服禮儀有序祭此嘉爵承天之  
 祐三醮曰旨酒令芳籩豆有楚咸加爾服  
 肴升折俎承天之慶受福無疆字舜曰禮  
 儀既備令月吉日昭告爾字爰字孔嘉髦  
 士攸宜宜之于假永受保之曰伯某甫仲  
 叔季唯其所當履夏用葛玄端黑履青紉  
 纁純博寸素積白履以黜附之緇紉纁  
 純博寸爵弁纁履黑紉纁純博寸冬  
 純博寸爵弁纁履黑紉纁純博寸冬

皮履可也不履纁履

記冠義

始冠緇布之冠也太古冠布齊則緇之其  
 綉也孔子曰吾未之聞也冠而敝之可也  
 適字冠於阼以著代也醮於客位加有成  
 也三加彌尊諭其志也冠而字之敬其名  
 也委貌周道也章甫殷道也毋追夏后氏

之道也周升殷昇夏收三主共皮弁素積  
無大夫之冠禮而有其昏禮古者五十而  
后爵何大夫冠禮之有公侯之有冠禮也  
夏之末造也天子之元士猶士也天下無  
生而貴者也繼世以立諸侯象賢也以官  
爵入德之殺也死而謚今也古者生無爵  
死無謚

儀禮卷第二

士昏禮第二

題注

鄭目録云士娶妻之禮以館為期因而名焉必以昏者陽往而陰來日入三商為昏昏禮於五禮屬嘉禮大小戴及別錄此皆第二

昏禮○下達納采用鴈主人筵于戶西西  
上右几使者玄端至摺者出請事入告主  
人如賓服迎于門外再拜賓不答拜揖入  
至于廟門揖入三揖至于階三讓主人以

賓升西面賓升西階當阿東面致命主人  
阼階上北面再拜授于楹間南面賓降出  
主人降授老鴈擯者出請賓執鴈請問名  
主人許賓入授如初禮擯者出請賓告事  
畢入告出請醴賓賓禮辭許主人徹几改  
筵東上側尊無醴于房中主人迎賓于廟  
門外揖讓如初升主人北面再拜賓西階  
上北面答拜主人拂几授校拜送賓以几

一ノ十二

辟北面設于坐左之西階上答拜贊者酌  
醴加角柶面葉出于房主人受醴而枋筵  
前西北面賓拜受醴復位主人阼階上拜  
送贊者薦脯醢賓即筵坐左執解祭脯醢  
以柶祭醴三西階上北面坐啐醴建柶興  
坐奠觶遂拜主人答拜賓即筵奠于薦左  
降筵北面坐取脯主人辭賓降授入脯出  
主人送于門外再拜納吉用鴈如納采禮

長禮

納徵玄纁束帛儷皮如納吉禮請期用鴈  
主人辭賓許告期如納徵禮期初昏陳三  
鼎于寢門外東方北面上其實特豚合  
升去蹄舉肺脊二祭肺二魚十有四腊一  
肫脾不升皆飪設宿簋設洗于阼階東南  
饌于房中醯醬二豆菹醢四豆兼巾之黍  
稷四敦皆蓋大羹湆在饗尊于室中北墉  
下有禁玄酒在西裕幕加勺皆南枋尊于

一ノ十三

房戶之東無玄酒篚在南實四爵合盃主  
人爵弁纁裳緇袍從者畢玄端乘墨車從  
者二乘執燭前馬婦車亦如之有褱至于  
門外主人筵于戶西西上右儿女次純衣  
纁衽立于房中南面姆纁笄宵衣在其右  
女從者畢袷玄纁笄被纁黼在其後主人  
玄端迎于門外西南再拜賓東面答拜主  
人揖入賓執鴈從至于廟門揖入三揖至



于階三讓主人升西面賓升北面奠雁再拜稽首降出婦從降自西階主人不降送壻御婦車授綏姆辭不受婦乘以几姆加景乃驅御者代壻乘其車先俟于門外婦至主人揖婦以入及寢門揖入升自西階媵布席于奧夫入于室即席婦尊西南面媵御沃盥交贊者徹尊冪舉者盥出除冪舉鼎入陳于阼階南西北上匕俎從設

北面載執而俟匕者逆退復位于門東北面西上贊者設醬于席前菹醢在其北俎入設于豆東魚次腊特于俎北贊設黍于醬東稷在其東設酒于醬南設對醬于東菹醢在其南北上設黍于腊北其西稷設酒于醬北御布對席贊啓會卻于敦南對敦于北贊告具揖婦即對筵皆坐皆祭祭薦黍稷肺贊爾黍授肺脊皆食以酒醬皆

祭舉食舉也三飮卒食贊洗爵酌酌主人  
主人拜受贊戶內北向答拜酌婦亦如之  
皆祭贊以肝從皆振祭齊肝皆實于菹豆  
卒爵皆拜贊答拜受爵再酌如初無從三  
酌用色亦如之贊洗爵酌于戶外尊入戶  
西北向奠爵拜皆答拜坐祭空爵拜皆答  
拜與主人出婦復位乃徹于房中如設于  
室尊否主人說服于房勝受婦說服于室

二十五

御授姆授巾御社于奧勝社良席在東皆  
有枕北止主人入親說婦之纓燭出勝餒  
主人之餘御餒婦餘贊酌外尊酌之勝侍  
于戶外呼則聞夙興婦沐浴纒笄宵衣以  
俟見質明贊見婦于舅姑席于阼舅席  
席于房外南向姑即席婦執笄棗栗自門  
入升自西階進拜奠于席舅坐撫之興答  
拜婦還又拜降階受笄服脩升進北面拜

儀禮

五

奠于席姑坐舉以興拜授入贊醴婦席于  
戶牖間側尊無醴于房中婦疑立于席兩  
贊者酌醴加和面枋出房席前北面婦東  
面拜受贊西階上北面拜送婦又拜薦脯  
醢婦升席左執觶右祭脯醢以和祭醴三  
降席東面坐啐醴建和興拜贊答拜婦又  
拜奠于薦東北面坐取脯降出授入于門  
外舅姑入于室婦盥饋特豚合升側載無

魚腊無稷並南上其他如取女禮婦贊成  
祭卒食一醕無從席于北墉下婦徹設席  
前如初西上婦餼舅婦易醬婦餼姑之饌  
御贊祭豆黍肺舉肺脊乃食卒姑醢之婦  
拜受姑拜送坐祭卒爵姑受奠之婦徹于  
房中媵御餼姑醢之雖無媵先於是與  
始餼之錯舅姑共饗婦以一獻之禮舅洗  
于南洗姑洗于北洗奠酬舅姑先降自西

階婦降自阼階歸婦立于婦氏人舅饗送者以一獻之禮酬以束錦姑饗婦人送者酬以束錦若異邦則贈大夫送者以束錦若舅姑既設則婦入三月乃奠菜席于廟奧東南右几席于北方南面祝盥婦盥于門外婦執筭菜祝帥婦以入祝告稱婦之姓曰某氏來婦敢奠嘉菜于皇舅某子婦拜扱地坐奠菜于几東席上還又拜如初

婦降堂取筭菜入祝曰某氏來婦敢告于皇姑某氏奠菜于席如初禮婦出祝闔牖戶老醴婦于房中南面如舅姑醴婦之禮壻饗婦送者大夫婦人如舅姑饗禮

記士昏禮凡行事必用昏昕受諸禰廟辨無不腆無辱執不用死皮帛必可制腊必

用鮮魚用鮒必敬全女子許嫁笄而醴之  
稱字祖廟未毀教于公官三月若祖廟已  
毀則教于宗室問名主人受鴈還西面對  
賓受命乃降祭醴始扱一祭又扱再祭賓  
右取脯左奉之乃歸執以及命納徵執皮  
攝之內文兼執足左首隨入西上參分庭  
一在南賓致命釋外足見文主人受幣士  
受皮者自東出于後自左受遂坐攝皮逆

退適東壁父醴女而俟迎者母南面于房  
外女出于母左父西面戒之必有正焉若  
衣若笄毋戒諸西階上不降婦乘以几從  
者二人坐持几相對婦入寢門贊者徹尊  
冪酌玄酒三屬于尊棄餘水于堂下階間  
加勺笄緇被纁裏加于橋舅答拜率徹笄  
婦席薦饌于房饗婦姑薦焉婦洗在北堂  
直室東隅篚在東北面盥婦酢舅更爵自

薦不敢辭洗鬣降則辟于房不敢拜洗凡  
婦人相饗無降婦入三月然後祭行度婦  
則使入醮之婦不饋昏辭曰吾子有惠  
室某也某有先人之禮使某也請納采對  
曰某之子蠢愚又弗能教吾子命之某不  
敢辭致命曰敢納采問名曰某既受命將  
加諸上敢請女為誰氏對曰吾子有命且  
以備數而擇之某不敢受醮曰子為事故

至於某之室某有先人之禮請醴從者對  
曰某既得將事矣敢辭先人之禮敢固以  
請某辭不得命敢不從也納吉曰吾子有  
貺命某加諸卜占曰吉使某也敢告對曰  
某之子不教唯恐弗堪子有吉我與在某  
不敢辭納徵曰吾子有嘉命貺室某也某  
有先人之禮儷皮束帛使某也請納徵致  
命曰某敢納徵對曰吾子順先典貺某重

禮某不敢辭敢不承命請期曰吾子有賜  
 命某既申受命矣惟是三族之不虞使某  
 也請吉曰對曰某既前受命矣唯命是聽  
 曰某命某聽命于吾子對曰某固惟命是  
 聽使者曰某使某受命吾子不許某敢不  
 告期曰某日對曰某敢不敬須允使者歸  
 及命曰某既得將事矣敢以禮告主人曰  
 聞命矣○父醮子命之辭曰往迎爾相承

一ノ二十

我宗事勛帥以敬先妣之嗣若則有常子  
 曰諾唯恐弗堪不敢忘命○賓至擯者請  
 對曰吾子命某以茲初昏使某將請承命  
 對曰某固敬具以須○父送女命之曰戒  
 之敬之夙夜毋違命毋施衿結帨曰勉之  
 敬之夙夜無違官事庶毋及門內施鞶申  
 之以父母之命命之曰敬恭聽宗爾父母  
 之言夙夜無愆視諸衿鞶○宗子無父母

命之親皆没已躬命之支字則稱其宗弟  
則稱其兄若不親迎則婦入三月然後壻  
見曰某以得為外昏姻請覲主人對曰某  
以得為外昏姻之數某之子未得濯漑於  
祭祀是以未敢見今吾子辱請吾字之就  
官某將走見對曰某以非他故不足以辱  
命請終賜見對曰某以得為昏姻之故不  
敢固辭敢不從主人出門左西面壻入門

二ノ七一

東面奠執再拜出攬者以執出請受壻禮  
辭許受執入主人再拜受壻再拜送出見  
主婦主婦闔扉立于其內壻立于門外東  
面主婦一拜壻答再拜主婦又拜壻出主  
人請醴及揖讓入醴以一獻之禮主婦薦  
奠酬無幣壻出主人送再拜

儀禮



*[Faint bleed-through text from the reverse side of the page]*

儀禮卷第三

士相見禮第三

題注

始承摯相見之禮雜記會葬禮曰相見也及哭而退朋友虞祔而退士相見於五禮屬賓禮大小戴及別錄皆第三

士相見之禮○摯冬用雉夏用豚左頭奉之曰某也願見無由達某子以命命某見主人對曰某子命某見吾子有辱請吾子之就家也某將走見賓對曰某不足以辱

命請終賜見主人對曰某不敢為儀固請  
吾子之就家也某將走見賓對曰某不敢  
為儀固以請主人對曰某也固辭不得命  
將走見聞吾子稱贄敢辭贄賓對曰某不  
以贄不敢見主人對曰某不足以習禮敢  
固辭賓對曰某也不依於贄不敢見固以  
請主人對曰某也固辭不得命敢不敬從  
出迎于門外再拜賓答再拜主人揖入門

一ノナ三

右賓奉贄入門左主人再拜受賓再拜送  
贄出主人請見賓反見退主人送于門外  
再拜主人復見之以其贄曰鼎者吾子辱  
使其見請還贄於將命者主人對曰某也  
既得見矣敢辭賓對曰某也非敢未見請  
還贄於將命者主人對曰某也既得見矣  
敢固辭賓對曰某不敢以聞固以請於將  
命者主人對曰某也固辭不得命敢不從

儀禮

卷之三

賓奉贄入主人再拜受賓再拜送贄出主人送于門外再拜○士見於大夫終辭其贄於其入也一拜其辱也賓退送再拜若常為臣者則禮辭其贄曰某也辭不得命不敢固辭賓入奠贄再拜主人答壹拜賓出使擯者還其贄于門外曰某也使某還贄賓對曰某也既得見矣敢辭擯者對曰某也命某某非敢為儀也敢以請賓對曰

一ノ七四

某也夫子之賤私不足以踐禮敢固辭擯者對曰某也使某不敢為儀也固以請賓對曰某固辭不得命敢不從再拜受下大夫相見以鴈飾之以布維之以索如執雉上大夫相見以羔飾之以布四維之結于面左頭如麇執之如士相見之禮始見于君執摯至下容彌蹙庶人見於君不為容進退走士大夫則奠摯再拜稽首君答壹

儀禮

二十四

拜若他邦之人則使擯者還其摯曰寡君  
使某還摯賓對曰君不有其外臣臣不敢  
辨再拜替首受凡燕見于君必辯君之南  
面若不得則正方不疑君君在堂升見無  
方階辯君所在凡言非對也安而後傳言  
與君言言使臣與大人言言事君與老者  
言言使弟子與幼者言言孝弟於父兄與  
衆言言忠信慈祥與居官者言言忠信凡

與大人言始視面中視抱卒視面安改衆  
皆如是若父則遊自母上於面母下於帶  
若不言立則視足坐則視膝凡侍坐於君  
子君子夕伸問日之早晏以食具告改居  
則請退可也夜侍坐問夜膳葷請退可也  
若君賜之食則君祭先飯徧嘗膳飲而俟  
君命之食然後食若有將食者則俟君之  
食然後食若君賜之爵則下席再拜替首

受爵升席祭卒爵而俟君卒爵然後授虛  
 爵退坐取履隱辟而后履君為之興之則  
 曰君無為興臣不敢辭君若降送之則不  
 敢顧辭遂出大夫則辭退下比及門三辭  
 若先生異爵者請見之則辭辭不得命則  
 曰某無以見辭不得命將走見先見之非  
 以君命使則不稱寡大夫士則曰寡君之  
 老元執幣者不趨容彌蹙以為儀執玉者

一ノ六六

則唯舒武舉前曳踵凡自稱於君士大夫  
 則曰下臣宅者在邦則曰市井之臣在野  
 則曰草萊之臣庶人則曰刺草之臣他國  
 之人則曰外臣

*[Faint bleed-through text from the reverse side of the page]*

一ノ六七

儀禮卷第四

鄉飲酒禮第四

鄭目錄云諸侯之鄉大夫

三其大此獻賢者能者於其君以禮賓之與之飲酒於五禮屬嘉禮大戴第十小戴及別錄此皆第四

鄉飲酒之禮○主人就先生而謀賓介主

人戒賓賓拜辱主人答拜乃請賓賓禮辭

許主人再拜賓答拜主人退賓拜辱介亦

如之乃席賓主人介衆賓之席皆不屬焉

尊兩壺于房戶間斯禁有玄酒在西設篚  
 于禁南東肆加二勺于兩壺設洗于阼階  
 東南南北以堂深東西當東榮水在洗東  
 篚在洗西南肆羹定主人速賓賓拜辱主  
 人答拜還賓拜辱介亦如之賓及衆賓皆  
 從之主人一相迎于門外再拜賓賓答拜  
 拜介介答拜揖衆賓主人揖先入賓厭介  
 入門左介厭衆賓入衆賓皆入門左北上

一ノナハ

主人與賓三揖至于階三讓主人升賓升  
 主人阼階上當楯北面再拜賓西階上當  
 楯北面答拜主人坐取爵于篚降洗賓降  
 主人坐奠爵于階前辭賓對主人坐取爵  
 與適洗南面坐奠爵于篚下盥洗賓進東  
 北面辭洗主人坐奠爵于篚與對賓復位  
 當西序東面主人坐取爵沃洗者西北面  
 卒洗主人壹揖壹讓升賓拜洗主人坐奠

爵遂拜降盥賓降主人辭賓對復位當西  
序卒盥揖讓升賓西階上疑立主人坐取  
爵實之賓之席前西北面獻賓賓西階上  
拜主人少退賓進受爵以復位主人阼階  
上拜送爵賓少退薦脯醢賓升席自西方  
乃設折俎主人阼階東疑立賓坐左執爵  
祭脯醢奠爵于薦西興右手取肺卻左手  
執本坐弗繚右絕末以祭尚左手嚙之興

一ノ七九

加于俎坐挽手遂祭酒興席末坐啐酒降  
席坐奠爵拜告旨執爵興主人阼階上答  
拜賓西階上北面坐卒爵興坐奠爵遂拜  
執爵興主人阼階上答拜賓降洗主人降  
賓坐奠爵興辭主人對賓坐取爵適洗南  
北面主人阼階東南面受洗賓坐奠爵于  
篚興對主人復阼階東西面賓東北面盥  
坐取爵卒洗揖讓如初升主人拜洗賓答

儀禮

卷九



拜興降盥如主人禮賓賓爵主人之席前  
東南面酢主人主人阼階上拜賓少退主  
人進受爵復莅賓西階上拜送爵薦脯醢  
主人升席自北方設折俎祭如賓禮不告  
旨自席前適阼階上北面坐卒爵興坐奠  
爵遂拜執爵興賓西階上答拜主人坐奠  
爵于序端阼階上北面再拜崇酒賓西階  
上答拜主人坐取觶于篚降洗賓降主人

儀禮

二十九

一ノ卅一

降賓不洗立當西序東面卒洗揖讓  
升賓西階上疑立主人實觶酌賓阼階上  
北面坐奠觶遂拜執觶興賓西階上答拜  
坐祭遂飲卒觶興坐奠觶遂拜執觶興賓  
西階上答拜主人降洗賓降如獻禮升  
不拜洗賓西階上立主人實觶賓之席前  
北面賓西階上拜主人少退卒拜進坐奠  
觶于薦西賓坐取觶復位主人阼階上

儀禮

三十

拜送賓北面坐奠醴于薦東復位主人揖  
 降賓降立于階西當序東面主人以介揖  
 讓升拜如賓禮主人坐取爵于東序端降  
 洗介降主人辭降介辭洗如賓禮升不拜  
 洗介西階上立主人實爵介之席前西南  
 面獻介介西階上北面拜主人少退介進  
 北面受爵復位主人介右北面拜送爵介  
 少退主人立于西階東薦脯醢介升席自

一ノホ一

北方設折俎祭如賓禮不嚙肺不啐酒不  
 告肯自南方降席北面坐卒爵興坐奠爵  
 遂拜執爵興主人介右答拜介降洗主人  
 復作階降辭如初卒洗主人盥介揖讓升  
 授主人爵于兩楹之間介西階上立主人  
 實爵酢于西階上介右坐奠爵遂拜執爵  
 興介答拜主人坐祭遂飲卒爵興坐奠爵  
 遂拜執爵興介答拜主人坐奠爵于西楹

南介右再拜崇酒介答拜主人復降階揖  
 降介降立于賓南主人西南面三拜衆賓  
 衆賓皆答壹拜主人揖升坐取爵于西楹  
 下降洗升實爵于西階上獻衆賓衆賓之  
 長升拜受者三人主人拜送坐祭立飲不  
 拜既爵授主人爵降復位衆賓獻則不拜  
 受爵坐祭立飲每一人獻則薦諸其席衆  
 賓辯有脯醢主人以爵降奠于筮揖讓升

一ノ三十三

賓厭介升介厭衆賓升衆賓序升即席下  
 人洗升舉觶于賓賓饌西階上坐奠饌遂  
 拜執觶興賓席末答拜坐祭遂飲卒饌興  
 坐奠饌遂拜執觶興賓答拜降洗升實饌  
 立于西階上賓拜進坐奠饌于薦西賓受  
 坐受以興舉饌者西階上拜送賓坐奠饌  
 于其所舉饌者降設席堂廉東上工四人  
 二瑟瑟先相者二人皆左何瑟後首撝

内弦右手相樂正先升立于西階東工入  
升自西階北面坐相者東向坐遂授瑟乃  
降工歌鹿鳴四牡皇皇者華卒歌主人獻  
工工左瑟一人拜不興受爵主人阼階上  
拜送爵薦脯醢使入相祭工飲不拜既爵  
授主人爵衆士則不拜受爵祭飲辨有脯  
醢不祭大師則為之洗賓介降主人辨降  
工不辨洗笙入堂下磬南北面立樂南陔

一ノルニ

白華萃黍主人獻之于西階上一人拜盡  
潛不升堂受爵主人拜送爵階前坐祭立  
飲不拜既爵升授主人爵衆笙則不拜受  
爵坐祭立飲辨有脯醢不祭乃間歌魚麗  
笙由庚歌南有嘉魚笙崇丘歌南山有臺  
笙由儀乃合樂周南關雎葛覃卷耳召南  
鵲巢采芣采蘋工告于樂正曰正歌備樂  
正告于賓乃降主人降席自南方側降作

相為司正司正禮辭許諾主人拜司正答  
 拜主人升復席司正洗觶升自西階作階  
 上北面受命于主人主人曰請安于賓司  
 正告于賓賓禮辭許司正告于主人主人  
 作階上再拜賓西階上答拜司正立于楹  
 間以相拜皆揖復席司正實觶降自西階  
 階間北面坐奠觶退共少立坐取觶不祭  
 遂飲卒觶興坐奠觶遂拜執觶興洗北面

一ノ成四

坐奠觶于其所退立于觶南賓北面坐取  
 俎西之觶作階上北面酬主人主人降席  
 立于賓東賓坐奠觶遂拜執觶興主人答  
 拜不祭立飲不拜卒觶不洗實觶東南面  
 授主人主人作階上拜賓少退主人受觶  
 賓拜送于主人之西賓揖復席主人西階  
 上酬介介降席自南方立于主人之西如  
 賓酬主人之禮主人揖復席司正升相旅

曰某子受酬受酬者降席司正退立于序  
 端東面受酬者自介右衆受酬者受自左  
 拜興飲皆如賓酬主人之禮辯卒受者以  
 觶降坐奠于篚司正降復位使二人舉觶  
 于賓介洗升實觶于西階上皆坐奠觶遂  
 拜執觶興賓介席末答拜皆坐祭遂飲卒  
 觶興坐奠觶遂拜執觶興賓介席末答拜  
 逆降洗升實觶皆立于西階上賓介皆拜

一ノ五

皆進薦西奠之賓辭坐取觶以興介則薦  
 南奠之介坐受以興退皆拜送降賓介奠  
 于其所司正升自西階受命于主人主人  
 曰請坐于賓賓辭以俎主人請徹俎賓許  
 司正降階前命第字俟徹俎司正升立于  
 席端賓降席北面主人降席作階上北面  
 介降席西階上北面尊者降席東南面賓  
 取俎還授司正司正以降賓從之主人取

俎還授第子第子以降自西階主人降自  
作階介取俎還授第子第子以降介從之  
若有諸公大夫則使人受俎如賓禮衆賓  
皆降說履揖讓如初升坐乃羞無筭爵無  
筭樂賓出奏候主人送于門外再拜賓若  
有尊者諸公大夫則既一人舉觶乃入席  
于賓東公三重大夫再重公如大夫入于  
人降賓介降衆賓皆降後初位主人迎揖

讓升公升如賓禮辭一席使一人去之  
夫則如介禮有諸公則辭加席委于席端  
主人不徹無諸公則大夫辭加席主人對  
不去加席明白賓服鄉服以拜賜主人如  
賓服以拜辱主人釋服乃息司正無介不  
殺薦脯醢羞唯所有徹唯所欲以告于先  
生君子可也賓介不與鄉樂唯欲

記鄉朝服而謀賓介皆使能不宿戒蒲筵  
 緇布純尊絡冪賓至徹之其牲狗也亨于  
 堂東北獻用爵其他用觶薦脯五挺橫祭  
 于其上出自左房俎由東壁自西階升賓  
 俎脊脅有肺主人俎脊脅臂肺介俎脊脅  
 胎肺肺皆離皆右體進腩以爵拜者不徒  
 作坐卒爵者拜既爵立卒爵者不拜既爵  
 凡奠者於左將舉於右象賓之長一人辭

二ノ六七

洗如賓禮立者東面北上若有北面者則  
 東上樂正與立者皆薦以齒凡舉爵三作  
 而不徒爵樂作大夫不入獻工與筮取爵  
 于上篚既獻奠于下篚其筮則獻諸西階  
 上磬階間縮雷北鼓之主人介凡升席  
 自北方降自南方司正既舉觶而薦諸其  
 位凡旅不洗不洗者不祭○既旅士不入  
 徹俎賓介遵者之俎受者以降遂出投從



Handwritten notes in the top left corner of the left page, including the characters '林' and '十'.

者主人之俎以東樂正命奏陔賓出至于  
 階陔作若有諸公則大夫於主人之北西  
 面主人之贊者西面北上不與無筭爵燕  
 後與

儀禮一三四終

